

DE VARIIS PANIS ET  
POTVS ARTIFICIIS, IN  
alimentum hominis.

Cap. V.

**S**VRA diximus, ac repetimus iterum, in pane basin & fundamentum nutrimenti præser-  
tim esse positum, quod ex granis multo spiritu,  
aqua vita & balsamo fœcundis, quæ cum nostris  
spiritibus & vitali nectare magnum habent con-  
sensum, eleganti artificiò, & præparatione salu-  
bri concinnetur. Etsi autem plus spirituum, quam  
panis, vinum contineat, eiusque odor, vel solo  
olfactu spiritus nostros confestim recreet, qui  
ut cunque in syncope dispersi à corde, aut pro-  
fus nulli in nobis esse videntur: cum tamen vi-  
num glutine illo aut vinculo careat, quo diutius  
retineri necesse est, ne statim à stômacho nostro  
avoret, siquidem naturâ liquidum ac fluidum est: *Cum vi-  
num apne, nu-  
tritionem, quam panis exhibeat: citra quem aut supereretur.*  
hinc sit ut minus solidam ac firmam corpori nu-  
tritionem, quam panis exhibeat: citra quem aut supereretur.  
aliquid simile, quod constantis sit corporis, com-  
modè vivi non potest: at sine vino foveri vita  
facile potest.

Differitæ autem panum nunc nobis excu-  
tiendæ sunt, quarum præcipuas, & quæ in Fran-  
cia nostra usitata sunt describemus.

Fit pánis multis in locis ex siliagine, qui pau-  
lo acidior est, mediocre alimentum præbens, *Varia panis  
& frugæ ea  
qui, panis  
conficiuntur  
differentia;*

N <sup>z</sup>        quiq;

quiq; laxat alvum temperatè reddit. Non infrequens eius est usus multis in locis, & in ipsis quidem nobiliam ædibus.

Ex hordeo quoq; pinsitur panis variis in provinciis, cuius vis est refrigerans: at non ita hordeaceus gratus est palato, ac silagineus. Eo potissimum vescuntur agricole, quod alio sæpè frumento careant, præsertim mæsis tempore, quo citius hordea demetuntur, quam reliqua farra.

*zetr. i. serm. 10.* De hoc pane in hæc verba scribit Aët Panes autem hordeacei omnes minus nutriunt, quam triticei, & magis venirem subducunt, quam illi.

Conficitur etiam ex fabis, aliisq; leguminibus panis, sed gravis est, ponderosus ac parum grati saporis.

Apud Bearnos, & in altioribus regionis Armigniacæ locis, panis ex milio familiarissimus est: cuius triplex genus præ cæteris conficitur: unum ex milio in farinam redacto à suo furfure mundatum: ex qua cum aqua, aliorum more subigitur panis, pastaque salita ac fermentata, in cibano aut fурno coquitur in panem: Hoc vescuntur rustici, cuius gustus subdulaster est: satis est boni alimenti: sed qui diutius assumptus fastidium parit.

Alterum ex milio panis genus in Vasconia Miques vocatur, qui parvi sunt globi, ex eius farina subacti, magnitudine globos referentes, quibus palemario lusu colluditur. Hi coquuntur in aqua, & in jentaculum infanibus offeruntur: singuli globuli venduntur denario.

Ter-

Tertium panis genus id est, quod brasarium appellatur, cuius usus in bellariis est: satis est delicata gratique saporis esca, dicta idecirco brasarium, quod inter prunas ardentes, Gallis *brasier* dictas, quibus panis in foco undique involvitur, coqui soleat. Is panis quadratae est formæ, pedis longitudinem habens, & dimidii pedis aut circiter altitudinem. Obvolvitur autem ille panis brassicæ foliis, cum inter brunas foci sepeliendus est, ut coquatur, ne cineribus conspurcetur. Atque haec sunt tres panis miliaris cotionis species, de quibus loquitur Aetuar. atque alii veteres, ut paulò post docebimus, in cibano nempè, in aqua, & inter prunas.

In Vasconia ex farina eiusdem milii, pulmenta sunt aqua diluta, qua sale conduntur, & ad consistentiam coquuntur. Istorum pulmentorum nomen est Arimotoes, quæ deliciæ sunt rusticis, multis in locis. Diluitur etiam farina haec lacte, ex qua mixtione meliores redditur pulmenta. Gal. lib. de Aliment. facult. cap. de milio & panico, hanc pulmæ speciem ex milii farina factæ describit: quæ rusticis antiquitus in cibum erat familiaris.

In regione Limoxensi, & quibusdam aliis locis circum vicinis (ubi abundant castaneæ) ex castaneis fit panis, quo vulgus & rusticæ pascuntur.

In caritate annonæ, & aliorum granorum inopia, fit etiam panis ex avena: quod equorum magis, quam hominum proprium est alimentum.

N 3

Ger-

*Triplex  
modus co-  
quendi pa-  
nem.*

Germani quodam juscili aut pulmenti genere  
habemus ab illis dicto, utuntur, ex granis avenarum  
inundatis, & aqua constante: quod instar ordeari  
est: eiusque cibum admodum salubrem autumant.

*Panis optimus quoque.*

Inter autem omnia eiusmodi panum genera,  
nullum bonitate, sapore, salubritate ac nutritione  
ad panem nostrum accedit, qui ex tritico apte  
paratur & conficitur.

Triticum autem tres aut quatuor sunt species,  
quas distinguere expediret, ut melior feligatur, unde  
optimus panis, saluberrimus & alimentosus  
concinnetur.

Quod nascitur in Turcia frumentum & Bar-  
baria, grana crassa producens, rufi coloris, non  
æquat bonitatem illud, quod spelta vocatur, cuius  
color albus est, flavus & granorum minorum, sed  
firmiorum ac solidiorum dente judice: quod vnde  
majorem reddit farinæ copiam, quam alterum  
furture abundans: Quod nobis sedulò observan-  
dum est, ut suadet Galenus primo lib. de alim. fa-  
cilit. c. de tritico: ubi videre licebit, omnia panū  
discrimina, sive bonæ sive malæ nutritionis: sive  
frumentorum varietas spectetur, quorum alia a-  
liis vel meliora vel deteriora sunt, idque vel ex na-  
tura, vel ex varia præparatione, vel ex trajectio-  
ne per cribrum exactiore, aut negligentiore: sive  
ex fermentationis & coctionis artificio. Quæ o-  
mnia in pane conficiendo, ut sit salubris & sapi-  
dus, diligenter observanda sunt.

Sequuntur quæ de his scribebat Galenus eo-  
dem lib. & cap. ubi de diversa frumentorum na-  
tura cum differuerisset, de differentiis quoque pa-  
num,

num, qui vel meliores, vel deteriores conficiuntur, haec subjicit: Cæterum medii inter mundissimos & sordidissimos panes, longè lateq; pro minoris majorisve ratione inter se discrepant: *Panes & Alii namq; mundi: aliis sordidi nominantur, & lij mundi revera sunt. Præter hoc tamen aliud est panis genitus, planè in his medium, Græci nunc αὐτούς vocant, eō quod ex confusanea farina, furfuræ, neutiquam cretis conflatatur. Illum panem antiqui medici syncœcum appellarunt: Verūm, & inter istos ipsos, qui ad unguem medii inter furfuraceos, & quam nitidissimos panes esse videntur, non mediocre est pro varia tritici natura discriben. Etenim ex denso prægravique semine, panis prestantior, ex stolido levique deterior fit. At panis quidem sincerissimus, cum à Romanis tūm ab omnibus ferē, qui illorum subiacent imperio, filigineus vocitatur: huic proximus simulaceus: tertio medioque loco, is quem αὐτούς, vel syncœcum appellari dicimus. Quartus ab his est sordidus: postremus furfuraceus, qui inter omnes imbecillimus est, quoque quam citissime per alvum descendit. *AEGIN. lib. i. de re medica cap. 73. Actuar. lib. 2. cap. 3. de iisdem differentiis secundum Galenum lo-**

*Qualis fuerit panis Romanis, optimus.*

*Panis furquuntur, pronunciantq; furfuraceum panem, omnium esse deterrium, & minimi alimenti.*

*minium deterrimum.*

*terruimus.*

dis multis rebus perutile, quod furfur tamen præstare nulla ratione queat.

Sed hactenus dictum sit satis de granorum differentiis, de farinarum & panum varietate; illud verò constet in primis, eos pro optimis habendos, qui ex farina optima mediocriter à suo furfure separata probè confecti sunt.

In confectione autem magnum requiritur artificium. Nam etsi tales habentur farinæ, quæ desiderantur: solertia tamen non levis in ea, aqua diluenda, pinsenda, fermentanda, sale condenda, dextreque pane apparando & coquendo requiritur.

*In pane o-  
pimo cor-  
ficiendo,  
quid obser-  
vandum.*

Vt igitur bonus concinnetur panis, palato gratus, salubris, & boni nutrimenti, primo optimum frumentum, quale expressimus, deligendum est: quod cribro sedulò à sordibus emundetur: cui ut nihil desit munditiei, omni diligentia procuretur. Illud ut bene fiat, triticum aqua pura eluendum est, postea ad Solem exsicca-  
dum: sed lolium imprimis diligenter repurge-  
tur, veluti prorsus noxiū, non tantum quod inebriet: sed quod firmissimum etiam quodvis cerebrum vertiginibus feriat, attonitos homines reddat atque prosternat.

Quod delectum est frumentum, mola aut pi-  
strino albo, ut vocant, exterendum est. Hoc e-

*Pistrina  
Casselli ar-  
tificio.*

nim pistrino longè candidior farina, & melius à furfure suo repurgata redditur. Vidi in pistrinis Casselli, quibus elegantiora à me nullibi conspe-  
cta sunt, tantum ac tam solers artificium, ut ea, qualem farinam, sive crassiorem, sive tenuio-  
rem

rem desiderent molitores , talem præparent, eamque simul à furfure secludunt , tantum furfuri detrahendo, quantum detrahi ad purissimam farinam reddendam ( quam florem vocant) vel secus visum fuerit. Atque hoc obiter dictum sit, ut discatur ubique ac præsertim in Francia nostra , eadem inventione & artificijs uti expedire, ad laborem & tempus redimendum, quod farinæ molendæ, postea seorsim à suo furfure separandæ, idque minus perfectè, nimium impenditur.

Farina igitur delecta, solerter aqua diluenda, fermentanda, condienda sale, pinsenda, & in pastam panemque colligenda , qui porrò inutilis aut noxius futurus sit, ni ritè cœquatur. Ex panis enim congrua coctione , nec non eiusdem fermentatione præcipua utilitas ac saporis suavitas melioris & exoritur. Quod idem Gal. exprimit eodem lib. salubrioris. suprà citato his verbis : Panes autem ad concoctionem appositissimi sunt , qui plurimum fermentati & approbè elaborati in Clibano , igne moderato percoquuntur. Nam profusior ignis, primo statim occursu adurens exteriorem superficiem , in testæ modum indurat : ex quo utробique ineptum , pravumque panem fieri continet : utpote qui cruda incoctaque interiora habeat : ambusta ,obarida & crustacea exteriora. Ignis verò justo minoris vis , in totum panem nequit penetrare : ideoque illum non percoquit, sed relinquit crudiorem , maximeque intimas partes. Qui autem longiore spatio, undiq; æquabiliter perassatur, hic & probissimè in ventriculo concoquetur, atque ad sequentes functiones

*Nota panis  
melioris &  
salubrioris.*

N 5 erit

,, erit acommodatissimus , &c. In Clibano igitur salubrius , quam inter prunas coquendus est panis.

*Fermentatio in pane concinman- do necessaria.*

Quod ad fermentationem attinet, quæ cum fermento fit acido, ea inter cætera artificia, summe necessaria est. Hæc enim pastam atOLLIT, & levitatem idcirco pani conciliat atque saporem i qui citra eam gravis & insalubris redderetur, atque idcirco noxius & inutilis. Præterea panis medio criter salsus, melior ac salubrior est insulso, et si multi aliter sentiunt.

In summa, panis eo modo, quem diximus, apparatus, magnum & elegans magisterium exhibet, in quo nobiliores & perfectiores Chymicæ operations eluescunt. Primo puri ab impuro appareat separatio, hoc est, farinæ à furfure: Secundò puri cum sua aqua coniunctio, quæ ibi trituranda, hoc est, pinsenda, malaxanda, fermentanda, digerenda, ac demum perfectè coquenda, ex qua mixtione sic elaborata, panis salubris, vivificus, hoc est, lapis Philosophicus, immensa virtutis progreditur. Denique longè aliquid præstantius est panis quam farina. Si quidem quæ nobis grana natura exhibet, nisi artificium homini in præparationem accederet, longè noxiora, quam utiliora homini futura essent. Accurately igitur, & præparandus, & coquendus est panis: alioqui frumentum, quod simpliciter ex aqua coquitur, quoctunque modo velis, nonquam alimentum utile ac salubre allatum est. Quod testatur Galenus eodem lib. supra citato, historiam referens, cum aliquando rus

*Magisterium Chymicum in panis confectione obseruandum.*

ras expatiatum animi laxandi gratia profectus  
 esset, paulò ab urbe remotius, ubi panis erat in-  
 opia: se vidisse duas rusticas in suam cœnam  
 triticum ex aqua & sale coxisse: ad quod epulū *Quid Gale-*  
 ipse Galenus cum duobus aliis sociis invitatus, *no acciderit*  
 avide accessit, appetitu ex itinere contracto, eo-*ex usu panis*  
 que cibo copiosè & ad satietatem, aliquæ simul *haud probè*  
 cœnati sunt: cuius epuli exitus qui fuerit ex Ga-*cœli.*  
 leni ipsius verbis audiamus: *Verum à cœna, in-*  
 quid, *gravitatem in venire adiunctor incumbentis lutu*  
*cœpinus sentire: postridieq; toto die crudii, cibum*  
*fastidientes, languebamus, adeò ut nihil possemus om-*  
*nind assumere. Præterea flatulento spiritu plenis, ca-*  
*put dolebat, oculiq; ceu per nebula cernentibus ca-*  
*ligeabant. Addit se ex rusticis quæsivisse, num alias*  
 eodem cibo usi essent, & qui ex eo valuerint: qui  
 responderunt, aliarum rerum inopia (prout ipse  
 Galenus tunc premebat) frequenter se eius-  
 modi cibum in usum assumpsisse, qui semper  
 gravis stomacho fuisset, potiusque noxius quam  
 utilis, quod facile citra experientiam colligi, &  
 judicari poterat. Farina enim frumenti istiusmo-  
 di, et si purior est frumenti substantia, cum sit  
 concoctioni rebellis, noxam parit, nisi ( inquit  
 idem Galenus ) per salem, fermentum, consper-  
 sionem, triturationem, furnumque edometur ac  
 perficiatur. Quis hinc non intelligat ( addit ) rude  
 & illaboratum triticum, firmissimum ac perti-*Frumentū*  
 nacissimum esse: contrà si congrue præparetur, *crudum in-*  
 ut supra diximus, optimum esse nutrimentum,  
 ac corpori humano sommè necessarium, utilissi-*salubre.*  
 mumque.

Si

Si triticum inter vegetabilia omnia nutritioni imprimis, ac vitaे homini॒ conservandæ congruentissimum, ex aqua tantum, & circa ullam aliam præparationem coctum, tantas noxas & incommoda infert, ut verè scribit Galenus: quid de sexcentis aliis granis dicemus, seminibus, radicibus, herbis, floribus, ex quibus varia concinnantur remedia: nunquid graviora corpori nostro incommoda paritura sunt, cum iis tantum ex aqua coctis crassissimo modo, vulgus pharmacopœorum in medicamenta, que apozemata, syrups, julepos, &c. vocant, utatur, & ægris sic parata, hoc est, venenosa potius, quam salubria exhibeat?

Si Censores nostri ista serio meditarentur, non usque adeò latribus suis veras medicamentorum præparations, ex quibus (summa Dei gratia) in dies insignes effectus & virtutes prodeunt, laceferent. Cum enim illæ juxta conditiones ab Hippocrate desideratas, tutò, citò & jucundè operentur: quorsum ignari isti putidas suas decoctiones, & fastidiosas stomachaque invisas, inscitè & impudenter præferre au-sint?

Redeamus ad panem, quem ut sit bonus & salubris, Galenus vult ex optimo tritico, & a suo fufare separato fieri, mediocriter candidum, optimè pistum, fermentatum, sale conditum, &c, ut par est, coctum.

Oribasius lib. collect. medic. cap. 8. de panibus triticeis loquens, idem sentit cum Galeno his verbis: Optimus panis & saluberrimus, inquit, est,

est, qui plurimum fermenti, plurimumq; salis ha- *Ad panem*  
 beat, quique plurimum sit subactus, & elabora- *conficiendū*  
 tus, ac in cibano moderate calido sit assatus: *necessaria*  
*Hoc verò, quod dixi, plurimum fermenti atque* *sunt fermenta*  
*salis in gusto dijudicari debet atq; discerni. Quod* *sum & Sal.*  
*enim in copioso horum mistura est, jam mo-*  
*lestum id, & noxiū est.*

Ex his apparet Galeni & Oribasii aliorumq;  
 multorum autoritatibus, quām salubris sit pa-  
 nis mediocriter salitus, quamq; inter alios lau-  
 dabilis: cum tamen sint medici quidam, qui sa-  
 lem in pane prohibeant: qui planè error est po-  
 pularis.

Ex his, quæ suprà diximus, liquere potest, quæ apud pistores placenta, pastilli, & id genus cru- *Placenta*  
 staceorum panum, qui omni fermento carent: *pistoriū abſ-*  
*prosorsus esse insalubres & noxiōs, tum ægris, tum* *que fermenta* *to cœcta, ne-*  
*etiam sanis. Eiusmodi enim pastæ fermento de-* *xia.*  
*stitute, dum subiguntur, & manibus elaboran-*  
*tur, aqua subinde dilutæ, tandem in gluten &*  
*collam vertuntur, & ichthyo collam, qua fabri li-*  
*gnarii utuntur in conglutinandis suis afferibus,*  
*duritie adæquant: quin etiam usque adeo solida*  
*ac dura evadunt hæc condimentorum & libo-*  
*rū generā, ut duritie lapidem vincant. Quod*  
*minimè fermentatæ pastæ accidit. Hinc sit, ut ex*  
*infermentatis id genus pastis variæ obstructio-*  
*nes in corporib; nostris nascentur, causæque*  
*materiales calculorum, aliorumque id genus*  
*morborum, ad hunc fontem jure merito revo-*  
*centur.*

Excus-

Excussis singulatim ac fusè omnibus iis, quæ de pane dictu necessaria nobis visa sunt, deque granis aliis, quæ in cibum nostrum accommodantur, & quæ in farinam ac pastam subigi possunt: de reliquis alimentis, ne quid silentio supprimatur, opportunè consequentur dicendum esset: ac imprimis de carnis tot tamq; variorum animalium, quæ partim in terra gradiente, partim in aëre volitant, & partim in aqua tum marinis, tum fluvialibus natitant, quibus omnibus vesci solemus. Quin & hic aptè de variis terræ fructibus differeretur, tum aestivis, tum hybernis, qui suis temporibus nobis enascuntur in usum quotidianum ad voluptatem potius & delicias, quam ad firmum & solidum alimentū: quorum tamen aliqui in medicamentum etiam nobis cedant. Sed cum tractatus noster brevis, tantam rerum copiam non ferat, quæ magnum & prolixum volumen impletant: cumque apud authores ubique abunde de iis differatur, ab eorum fusiore examine supersedeimus, breviter tamen de iis in sectione tertia huius tractatus disceptatur, cum, qui nobis sint utiles cibi, & quæ alimenta noxia, ostendemus.

Hic subjiciemus de vino, præcipua altera alimenti nostri parte, & usitatoriibus aliis potibus explicationem cui caput proximè sequens assignavimus, ad quod benevolus lector, cum opus fuerit, poterit divertere.

DE